



Мен, **Калиева Айгул Шайнуллаевна**, 1961 жылы маусым айынын 29-жұлдызында, Ақтобе облысы Байганин ауданы Кемерши селосында дүниеге келгенмін. 1967 жылдын қыркүйек айында Жем орта мектебінің 1-сыныбына бардым. 1971-72 оқу жылында Ақтобе мектеп-интератында оқыдым. Жануа жағдайына байланысты келесі оқу жылынан бастап қайтадан Жем орта мектебінде оқыдым. 1977 жылы жалпыға бірдей орта мектепті аяқтап, «Шұғыла» комсомол-жастар бригадасында бір жыл жұмыс жасадым.

1978 жылы Ақтобе мемлекеттік педагогика институтының химия-биология факультетіне оқуға түстім. 1983 жылы жоғары оқу орнын бітіргеннен кейін, арнайы жолдамамен Байганин ауданы Оймауыт совхозына қарасты Шоптікол ауылындағы жаңадан ашылған Бөкембай негізгі мектебіне химия-биология пәнінің мұғалімі болып бардым. Аталған мектепте екі жыл жұмыс жасап, тұрмысқа шығуыма байланысты Байганин ауданы Оймауыт совхозындағы Жанажол орта мектебінде 1985-1987 жылдар аралығында пән мұғалімі болып жұмыс жасадым. Жануа жағдайына байланысты 1987-1988 оқу жылынан бастап 1994 жылға дейін Байганин ауданы Дияр совхозының Дияр орта мектебінде 13 разрядты, II категориялы пән мұғалімі болып, сонынан мектеп директорының оқу ісі жөніндегі орынбасары болып жұмыс жасадым.

1994 жылы жолдасымның қызмет бабымен Ақтобе облысы Алға ауданының Еркінкүш ауылына қоныс аудардым. 1999 жылға дейін Еркінкүш негізгі мектебінде пән мұғалімі болып, қоғамдық жұмыстардан кәсіподақ тарапымы қызметін атқардым.

1999 жылдын тамыз айында Ақтобе қаласына қоныс аударып, № 33 орта мектепке валеология, экология, химия және биология пәндерінің оқытушысы болып орналастым. Оқушыларды ғылыми жұмыстарға дайындадым. Жаратылыстану пәндерінің секция жетекшісі болып қоғамдық жұмыстар жасадым. 2002 - 2005 жылдары аралығында Ақтобе қалалық білім бөлімінде жаратылыстану пәндері бойынша штаттан тыс әдіскер қызметін атқардым. 2003 жылы 14 разряд, I санатқа ие болдым. Аталған мектепте 2003-2007 жылдар аралығында алдымен әдіскер, сонынан директордың оқу ісі жөніндегі орынбасары қызметін атқардым. Мектепте жұмыс жасаған жылдары қалалық білім бөлімінің алғыс хатымен марапатталдым.

2007 жылдың қаңтар айының 8-ші жұлдызынан бастап К. Жұбанов атындағы Ақтобе мемлекеттік университетінің Жаратылыстану факультетінде Экология кафедрасында оқытушы болып жұмыс жасап келемін. Қазір аға оқытушы болып қызмет атқарамын. 2007-2009 жылдар аралығында Жаратылыстану факультеті бойынша деканның тәрбие жұмысы жөніндегі орынбасары болдым. 2014-15 оқу жылында «Тіл саясаты» бойынша факультетте жауапты оқытушымын. Кафедра отырысының хатшысы, түлектердің еңбекке орналасуын қадағалайтын, академиялық үткірлікке жауапты оқытушы, оқу әдістемелік секция жетекшісі болып қоғамдық жұмыс атқарып келемін. Жыл сайын қала мектептерінің оқушыларына ғылыми жетекші болып отырамын. ҚР КГА облыстық, республикалық ғылыми-практикалық конференциялардан оқушылар жыл сайын бірінші және екінші орындарға ие болып жүр. "ЭКСПО-2017" өмірлік ғылыми-тәжірибелік қосымша білім беру орталығының жоспарына сәйкес дарынды балаларды анықтау және дамыту шараларының қазылық құрамында болдым.

Сонымен қатар студенттердің ғылыми біліктілігін көтеруіне де үнемі көңіл бөліп, бірнеше жылдан бері дипломдық жұмыстарына жетекшілік жасап келемін, студенттер зерттеу жұмыстарының нәтижелерін ғылыми-практикалық конференцияларда баяндайды, мысалы: өткен оқу жылында 2017 жылы «Жастар, Ғылым және инновациялар» атты халықаралық жастар ғылыми форумына Қауқамбаева Б. ««Көкжиде жерасты сулары» гидрогеологиялық нысанына тәуелсіз экологиялық қауіп» тақырыбында баяндамасын ұсынып, сертификат иеленді. Ал биылғы оқу жылында «Таза мекен» ұйымы ұйымдастырған дөңгелек үстелге қалдықсыз технологияға байланысты, ағызынды суларды тазарту туралы өз мақаласын ұсынды.

Университетте жұмыс жасағаннан бері 30-дан аса мақала жарық көріп, 12 әдістемелік нұсқау баспадан шықты. Кәсіби біліктілікті жетілдіру бағытында 25 сертификатқа ие болдым. Осы жылдары жасаған еңбегіне байланысты университет ректорының атынан «Жыл кураторы» номинациясымен, мерекелік медальмен, бірнеше рет мақтау

кагаздарымен, алгыс хаттармен, дипломмен, багалы сыйлыкпен, факультет бойынша жаратылыстану факультетінін деканынын атынан медальмен, бірнеше рет алгыс хаттармен марапатталдым.

Жолдасым кайтыс болды. Торт бала тәрбиелеп өсірген анамын.